

PAZZIUS. Auspicatò adfis, optime Rocchi : at ne putes mihi novum esse Gennari nomen ; imo noveris lectum à me ex integro fere jam ter fuisse opusculum illius dogmaticum *adversus atomos redivivas* inscriptum, ac plurimùm lætor, quòd tu perlegeris, ut indubitanter opinor non minus ad lectionem illius bilim tuam efferbuisse, quàm cor meum dilatarì cœpit, ubi vel ex nudo titulo intellexi, si quid vitæ per doctrinas Cartesii, Gassendi & Maignani atomis nuper redditum fuerit, id doctrinà Gennari relapsurum in oblivionem esse, & sub irrevocando perpetui silentii fato comprimendum. Tum verò, mi Rocchi, ex quo tam doctum opusculum evolvisti, dic pro ingenuitate, quâ vales, an non te pudeat nugacissimis illis atomorum confictionibus tamdiu adhæsisse, vel præsertim quia te aut nunc, aut nusquam convictum esse necesse est conciliari illas non posse cum Fide Sacramenti Venerabilis Eucharistici. Et sanè, quasi conjiciens te à te ipso mutatum, gratulor quòd posthac dedignaberis tueri anilitates illas atomorum, antiquas illas futilitates, fabulosa illa deliria ac mendacia vana, unde & quòd multæ hæreses enatæ fuerint, dolendum, & quòd æque multæ sint enascituræ, timendum est, nisi radix tam pestifera præcidatur.

ROCCHIUS. Bene est, mi Pazzi, perge modò, nec cohibe incitamentum fastidii, quod, ut video, in te crevit, derisorie ac malignanter evomentis atomos istas ; quin & permissò transitu ad Atomistas ab atomis, voca nugaces, stolidos, errori addictos, hæresi proximos, accumula iras, junge furores, vibra minas utut volueris : sed tandem redi, precor, ad te ipsum, & audi ad quid tibi proponendum me compulerit liber iste Gennari.

PAZZIUS. Audiam perlubenter.

II.
Proponitur
examen præ-
dicti opul-

ROCCHIUS. Cum integra percurfione libri istius serium, ut soleo, conjunxi studium, & dubitans sitne in eo aliquid solidi, quod deprehendere per me ipsum non potue-